

## ԱՐՁԱՆԱԳՐՈՒԹՅՈՒՆ ԹԻՎ 2

### ՀՀ Լոռու մարզպետի մոտ կայացած ընդլայնված գործակարգավարական խորհրդակցության

26.01.2026թ.

ք.Վանաձոր

**Նիստը վարում էր մարզպետ Ա.Մկրտչյանը.**  
**Մասնակցում էին**

Մ.Դալլաքյանը - գլխավոր քարտուղար

Լ.Աբրահամյանը - մարզպետի խորհրդական

Հ.Ադամյանը - մարզպետի խորհրդական

Հ.Հակոբյանը - մարզպետի օգնական

Է.Կոռյանը - մարզպետի օգնական

Կ.Ադամյանը, Ա.Շիրինյանը, Ռ.Պողոսյանը, Ռ.Մարգարյանը, Մ.Խեչումյանը,

Ա.Թումանյանը, Ա.Հակոբյանը, Լ.Մաթոսյանը, Է.Հախվերդյանը, Ա.Բեջանյանը,

Գ.Մելիքսեթյանը, Ա.Մալոյանը - մարզպետի աշխատակազմի ստորաբաժանումների ղեկավարներ

### Օր ա կ ա ր գ ու մ՝

#### 1. Նախորդ ժամանակաշրջանի ընթացքում կատարված աշխատանքների և տրված հանձնարարականների վերաբերյալ հաշվետվություն

/գեկուցող Լոռու մարզպետի աշխատակազմի ստորաբաժանումների ղեկավարներ/

#### 2. Այլ հարցեր:

ՀՀ Լոռու մարզպետ Ա.Մկրտչյանը շնորհավորեց մարզպետի օգնական Էրիկ Կոռյանին՝ պաշտոնում նշանակվելու կապակցությամբ, ցանկացավ արդյունավետ աշխատանքային գործունեություն՝ ի բարօրություն Հայաստանի Հանրապետության և Լոռու մարզի:

Մարզպետը կարևորեց աշխատակազմի կողմից ըստ գործառույթների աշխատանքի կազմակերպման և արդյունավետության բարձրացման հիմնական ուղղությունները՝ նշելով, որ աշխատանքի բաժանումը պետք է լինի ուղղաձիգ ըստ աստիճանակարգության և վերադասության՝ առաջադրված խնդիրների լուծման նպատակով, պետք է հստակ աշխատանքի և գործառույթների բաժանում լինի և յուրաքանչյուր աշխատող իրեն տրված հանձնարարականները կատարի սահմանված ժամկետներում և պատշաճ կարգով:

ՀՀ Լոռու մարզպետի աշխատակազմի ստորաբաժանումների ղեկավարները ներկայացրեցին կատարված աշխատանքների և տրված հանձնարարականների վերաբերյալ տեղեկատվություն:

**Լոռու մարզպետը հանձնարարեց.**

1. ՀՀ Լոռու մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Ռ.Մարգարյանին՝

1.1 Ներկայացնել վերջնական տեղեկատվություն դպրոց և մանկապարտեզ տանող ճանապարհների շինաշխատանքների կատարման վերաբերյալ:

1.2 Պատշաճ կարգով ուսումնասիրել համայնքների կողմից ներկայացվող սուբվենցիոն ծրագրերի նախագծերի փաթեթները, որպեսզի դրանք համապատասխանեն ներկայացվող պահանջներին:

**2. ՀՀ Լոռու մարզպետի աշխատակազմի առողջապահության և սոցիալական ոլորտի հարցերի վարչության պետ Ռ.Պողոսյանին՝**

Մեկշաբաթյա ժամկետում ներկայացնել ամբողջական տեղեկատվություն Լոռու մարզի կտրվածքով առողջապահական համապարփակ ապահովագրության շահառուների թվի և հատկացված գումարի վերաբերյալ:

**3. ՀՀ Լոռու մարզպետի աշխատակազմի ֆինանսական վարչության պետ Ա.Շիրինյանին՝**

Անհրաժեշտ աշխատանքներ իրականացնել համայնքների կողմից սեփական եկամուտների հավաքագրման ուղղությամբ, մասնավորապես՝ դիտարկել խոշոր ապառքներ ունեցող անձանց կողմից պարտավորությունների կատարման գործընթաց իրականացնելը:

**4. ՀՀ Լոռու մարզպետի աշխատակազմի իրավաբանական բաժնի պետ Լ.Մաթոսյանին, աշխատակազմի քաղաքաշինության, հողաշինության և ենթակառուցվածքների կառավարման վարչության հողաշինության բաժնի պետ Է.Հախվերդյանին՝**

Ուսումնասիրել և 1-շաբաթյա ժամկետում ներկայացնել տեղեկատվություն Վանաձոր համայնքի կանգառներին կից հողամասերի և տարածքների պատկանելության, դրանց մասով պայմանագրերի կնքման, ժամկետների և օրինականության վերաբերյալ:

**5. ՀՀ Լոռու մարզպետի աշխատակազմի զարգացման ծրագրերի մշակման և իրականացման բաժնի գլխավոր մասնագետ Ա.Մալոյանին՝**

Ներկայացնել տեղեկատվություն 2018-2025 թթ. ընթացքում մարզում 1 մլն դոլլարից ավել ներդրումային ծրագրերի իրականացման վերաբերյալ:

**6. Լոռու մարզպետի օգնական Հ.Հակոբյանին՝**

Շարունակել հանդիպումները և շփումները մարզի համայնքներում Ղարաբաղից բռնի տեղահանված և մարզում բնակություն հաստատած բնակիչների հետ, ուսումնասիրել կարիքները, առաջարկությունները և յուրաքանչյուր ուրբաթ ներկայացնել տեղեկատվություն:

X

**ԼՈՌՈՒ ՄԱՐԶՊԵՏ՝**

**Ա.ՄԿՐՏՉՅԱՆ**